

ARQUIVO

CONCELLO DE REDONDELA


U.I. / N° Expte:

7.828 / 2



CONCELLO DE REDONDELA

Pontevedra




Dilexencia

Para lo que consta que para el presente libro de Actas de Consejo
Municipal se han reunido los señores Alcaldes y Regidores de
este Ayuntamiento, y en virtud de lo acordado en la sesión
de fecha 12 de Mayo de 1968, se ha acordado que el
señor D. Juan José Martínez de la Cruz sea el encargado de
llevar a cabo el presente libro de Actas.

En fe de lo cual, a 12 de Mayo de 1968.

A. Martínez de la Cruz


A. Martínez de la Cruz



EL NUMER
RPORACIÓ
LOCAIS

(Selo da Corporación)

(Sinatura do Presidente)

Folio N.º

Serie A N.º 2237001



EL NUMERADO
CORPORACIONES
LOCAIS



5

Dilixencia

Para facer constar que para o presente libro de **Actas do Concello Pleno** adquiríronse 155 folios de papel Timbrado da Comunidade Autónoma de Galicia , Serie A, numerados correlativamente do N.º **2237001** ó **2237155**, comenzando a súa transcripción a volta do folio número 1, con data 17 de xullo de 2008.

Redondela, 17 de xullo de 2008

A Secretaria Xeral

Ana Begoña Merino Gil

SESIÓN EXTRAORDINARIA CELEBRADA POLO PLENO DO CONCELLO O DÍA
17 - XULLO - 2008

ORDE DO DIA

- 1.- APROBACIÓN DA ACTA DA ÚLTIMA SESIÓN.
- 2.- ADOPCIÓN ACORDOS S/ EXPEDIENTE DE DECLARACIÓN DE LESIVIDADE ACORDO DE ANULACIÓN LICENZA DE APERTURA E POSTA EN FUNCIONAMENTO DE PLANTA PARA A FABRICACIÓN DE FORMIGÓN A HORMIGONES VIGO, S. L.

Na Casa do Concello de Redondela, sendo as nove horas e trinta minutos do día dezasete de xullo de dous mil oito, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, D^a. LAURA LAGO ALLER, D^a. MARIA ALBINA REBOREDO SURIS, D. CARLOS GONZÁLEZ FERNÁNDEZ, D^a. ISABEL CASTRO PIEDRAS, D^a. FRANCISCA CANAL GÓMEZ, D. JOSÉ ALBERTO PAZOS COUÑAGO, D. MIGUEL ANGEL ALVAREZ BALLESTEROS, D^a. HERMINDA QUELLE FERNÁNDEZ, DONA. MARIA LORENA LÓPEZ RODRÍGUEZ, D. CÁNDIDO VILABOA FIGUEROA, D^a. LAURA ALONSO GÓMEZ, D. XOSÉ CARLOS PAZOS DOCAMPO, D^a. MARÍA ANXELES BABARRO FERNÁNDEZ, D^a. ROSA MARIA COSTAS ESTÉVEZ, D. ALEJANDRO BASTOS FERNÁNDEZ, e D. BENIGNO GARCÍA-LUENGO MONTERO, actuando como Secretaria a Secretaria da Corporación DONA. ANA BEGOÑA MERINO GIL, constitúese o Pleno do Concello, en sesión extraordinaria, conforme á convocatoria e de acordo coa Orde do Día.

Non asisten, excusando a súa ausencia, os/as Sres./as Concelleiros/as D. MANUEL IGLESIAS CARRERA, e D. JUAN TIZÓN CABAILEIRO

INCIDENCIAS.-

Con carácter previo no tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-

A Presidencia declara aberta a sesión, en primeira convocatoria, procedéndose a trata-los puntos da Orde do Día.-

1.- APROBACIÓN DA ACTA DA SESIÓN ANTERIOR.-

Non se formulan observacións, e o Pleno do Concello, en votación ordinaria e por unanimidade dos/as seus membros presentes, sendo dezanove votos a favor (7 do PSdeG-PSOE, 7 do PP, 3 do BNG, e 2 do PG), acorda prestar aprobación ao acta da sesión celebrada con carácter ordinario o día **25 de xuño de 2008.-**


2.- ADOPCIÓN ACORDOS S/ EXPEDIENTE DE DECLARACIÓN DE LESIVIDADE ACORDO DE ANULACIÓN LICENZA DE APERTURA E POSTA EN FUNCIONAMENTO DE PLANTA PARA A FABRICACIÓN DE FORMIGÓN A HORMIGONES VIGO, S. L.-

ANTECEDENTES.-

Dictame da Comisión Informativa de Urbanismo de data 14 de xullo de 2008, que transcrito dí:



NUMERADO
CORPORACIÓN
LOCAIS



(Sinatura do Presidente)

Folio N.º

Serie A N.º 2237002

"Pola Presidencia dase lectura a súa proposta que di:

"Considerando que polo Alcalde, en data 8 de xullo pasado resolveuse rexeitar o recurso de reposición presentado por D. JORGE CUEVAS ALVAREZ, en representación da entidade GRUPO J.C.A. HORMIGONES SA (JCAH), anteriormente denominada HORMIGONES VIGO, SL, contra a resolución da Alcaldía do pasado 2 de xuño pola que se resolvía o expediente de revisión de oficio da licenza de apertura e posta en funcionamento dunha planta para fabricación de formigón en Millarada- Villar de Infesta 136A outorgada pola Comisión de Goberno do Concello a HORMIGONES VIGO SL o 21.12.1998, anulando a mesma, en base a que o Concello de Redondela resolveu o expediente de acordo co Ditame do Consello Consultivo de Galicia do 14 de marzo de 2008 ao que se atribue forza vinculante a estes efectos.

Considerando que, na mesma resolución, o Alcalde resolveu o seguinte:

"Propor ao pleno do Concello que se inicie expediente de declaración de lesividade da resolución desta Alcaldía do pasado 2 de xuño anulando a licenza citada por entender que, non obstante o acatamento do ditame vinculante do Consello Consultivo de Galicia do 14 de marzo pasado, a mesma pode infrinxir o ordenamento xurídico ao non concorrer no acto administrativo anulado os requisitos esixidos polo artigo 62.1 da LRXAP e que se proceda a suspende-los efectos da citada resolución de conformidade co previsto no artigo 104 da mesma lei a expensas do que resulte do expediente por entender que da mesma poderían resultar perxuizos de imposible ou difícil reparación".

Considerando que tal proposta ven motivada na parte expositiva da mesma Resolución do seguinte xeito:

"Considerando que resulta obvio que o mantemento do acto recurrido podería causar perxuizos de imposible ou difícil reparación dado que implica a paralización dunha actividade económica e da mesma dependen numerosas familias.

Visto o informe 41/2008 emitido pola Secretaria xeral o 30 de maio pasado no que se fai constar que o artigo 103 da LRXAP dispón que as administracións públicas poderán declarar lesivos para o interés público os actos favorables para os interesados que sexan anulables conforme ao disposto no artigo 63 da lei, a fin de proceder a súa ulterior impugnación ante a orde xurisdiccional contencioso-administrativa.

Considerando que non obstante a declaración de nulidade da licenza, tal declaración pode infrinxir o ordenamento xurídico por non concorrer no acto administrativo anulado os requisitos esixidos polo artigo 62.1 da LRXAP aínda que o Concello acatou o tenor literal do ditame do Consello Consultivo en virtude do seu carácter vinculante pero exclusivamente por este motivo, non a resultados do seu propio xuízo de valor con respecto á concurrencia dalgunha das causas previstas no artigo 62.1 da LRXAP, xuízo que se atopa contido na proposta de resolución formulada no seu intre .

Considerando que o mantemento de dito acto resultaría lesivo para o interés público por ter que afrontar a administración municipal con cargo a fondos públicos, no seu caso, o menoscabo patrimonial que resultaría do previsto no artigo 102.4 da mesma LRXAP así como as implicacións sociais e económicas derivadas da paralización da actividade.

Visto o artigo 43 da lei 29/1998 de 13 de xullo que regula a xurisdicción contencioso-administrativa (LJCA) polo que cando a propia administración autora dalgún acto pretenda demandar a súa anulación ante esa xurisdicción deberá, previamente, declaralo lesivo para o interés público o cal lexitima activamente á corporación que demanda a anulación do seu propio acto e se autoriza a interposición, admisión e tramitación do recurso contencioso-administrativo por ela promovido aos efectos de que o tribunal competente declare se o acto impugnado é ou non conforme a dereito, e se realmente produce os efectos prexudiciais alegados pola administración recorrente. Deste xeito interviría novamente a orde xurisdiccional contencioso-administrativa (tal e como establecía a sentenza 144/2004 recaída no asunto) despois de tramitado o expediente de revisión de oficio poidendo entrar esta xurisdicción no exame polo miúdo do ditame do Consello Consultivo e da propia proposta de resolución , á vista do expediente.

Visto o artigo 21 . l) da LRBRL segundo o cal o Alcalde ostenta a competencia para a iniciativa para propor ao Pleno a declaración de lesividade en materias da competencia da Alcaldía e o 22 2 k) da mesma atribue ao pleno a competencia para realizar a citada declaración.

Visto o artigo 104 da LRXAP que dispón que *iniciado o procedemento de revisión de oficio, o órgano competente para resolver poderá suspender a execución do acto cando este puidese causar perxuizos de imposible ou difícil reparación*".

Teño a ben propor á Comisión Informativa de Urbanismo que dictamine favorablemente a adopción dos seguintes acordos:

1. Iniciar expediente para a declaración de lesividade da resolución desta Alcaldía do pasado 2 de xuño anulando a licenza de apertura e posta en funcionamento dunha planta para fabricación de formigón en Millarada- Villar de Infesta 136A outorgada pola Comisión de Goberno do Concello a HORMIGONES VIGO SL o 21.12.1998 por entender que, non obstante o acatamento do ditame vinculante do Consello Consultivo de Galicia do 14 de marzo pasado, a mesma pode infrinxir o ordenamento xurídico ao non concorrer no acto administrativo anulado os requisitos esixidos polo artigo 62.1 da LRXAP.
2. Suspender en tanto se sustancie o procedemento de declaración de lesividade os efectos da citada resolución de conformidade co previsto no artigo 104 da mesma lei a expensas do que resulte do expediente por entender que da mesma poderían resultar perxuizos de imposible ou difícil reparación .
3. Facultar ao Alcalde para realizar as actuacións necesarias para o desenvolvemento do expediente."

Votación

A comisión informativa de urbanismo en votación ordinaria e por maioría simple, dos seus membros presentes, sendo 4 votos a favor (3 do PS de G- PSOE, e 1 do BNG) e 4 abstencións (3 do PP e 1 de P.G.) estimou oportuno ditaminar favorablemente a proposta transcrita."

INTERVENCIÓNS.-

A concelleira Sra. López Rodríguez anunciou o voto a favor do seu grupo, baseado no amparo legal dos informes de Secretaría obrantes no expediente.

VOTACIÓN E ACORDO.-

Sometido o asunto a votación, o Concello Pleno, en votación ordinaria e por unanimidade dos/as Sres./as Concelleiros/as presentes, sendo dezanove votos a favor (7 do PSdeG-PSOE, 7 do PP, 3 do BNG, e 2 do PG), aprobou, no seus propios términos, o Dictame da Comisión Informativa de Urbanismo nos antecedentes transcrito.-

Pola Presidencia dase por rematada a presente sesión, sendo as nove trinta e cinco horas da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 001 do Papel Timbrado da Comunidade Autónoma de Galicia, Serie A nº 2237001 ata a volta do folio núm.002, Serie A nº 2237002, e todo o que, como Secretaria, DOU FE.-

O ALCALDE

XAIME REI BARREIRO

A SECRETARIA XERAL

ANA BEGOÑA MERINO GIL